

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

16. Quo sensu Fatalis necessitas tolerari, aut tamqua[m] vera explicari possit?

urn:nbn:de:hbz:466:1-45653

impatiens flantibus Euris intuto plerumq; nauigio sulcat mare. His tabulis quotidianis exemplis clarissimum fit, nullam, in operibus humanis moliendis, Fati necessitatem, libero arbitrio industriaq; vincula iniucere; nec Fatum, si quod est, hominis in utramque partem agendi facultatem excludere.

XVI.

S. Augustin.
I. 5. de Ciuit.
cap. 8.

reijcit D. Augustinus, cuius haec sunt: *Qui vero non astrorū constitutio nem, (sicuti est, cum quidam concipitur, vel inchoatur) sed omnium cō vexionem seriēmq; caussarum, qua sit omne, quod sit, Fati nomine appellabant; non multū cum eis de verbi controversia laborandum auctorandum est: quandoquidem ipsarum caussarum ordinem & quandā connexionem Dei summi tribuant voluntati & potestati, qui optime & veracissimè creditur, & cuncta scire ante, quam fiant, & nihil inordinatum relinquere: à quo sunt omnes potestates, quamvis ab illo non sunt omnium voluntates. Ipsam itaq; præcipue Dei summi voluntatem, cuius potestas insuperabiliter per cuncta porrigitur, eos appellare Fatum sic probatur.* Stoici verba accipe: *Natura, inquit, haec mihi praefat. Non intelligis, te, cum hoc dicis, mutare nomen Deo. Quid enim aliud est natura, quam Deus, & diuina ratio toti mundo, & partibus eius inserita?*

Senec. lic. 4.
de Beneficiis. cap. 7.

Boëtius I. 5.
de consolat. prosa 6.

Quotiens voles, tibi licet aliter hunc authorem rerum nostrarum compellare &c. hunc eundemq; & Fatum si dixeris, non mentieris. Nam etiam Fatum nihil aliud sit, quam series implexa caussarum, ille est prima omnium caussa: ex qua cetera pendunt. Quaecunq; voles illi nomina propriè aptabis, vix aliquam effectumq; celestem continentia. Tot appellations eius esse possunt, quoniam munera. Haec ut sine errore Stoicorum intelligentur, intelligenda est mens Boëtij Fatum sic describentis, ut dicat, illud aliud nihil esse, quam inherentem rebus mobilibus immobilem dispositionem, per quam diuina prouidentia suis quaq; nectit ordinibus: seu, ut alij clarius breuiusque definiunt, ordinem caussarum secundarum, diuinam prouidentiam exequentium. Quia autem Deus, per medias caussas, pleraque, in hoc Mundo exequitur, & quae à Deo sunt, ordinata sunt, potest illa ordinatio spectari, vel prout in ipso Deo est, quo pacto prouidentia appellatur; vel prout est in caussis ordinatis, & à Deo ad effectus producendos directis, qua ratione ordinatio Fatum potest vocari, estque ordo rebus mobilibus inherens, quia caussæ secundæ in quibus Fatum esse dicitur, in se spectatae mutabiles sunt, & hoc vel illo modo operari possunt; nuncupatur tamen idem ordo immobilis, non in se vel absolu-

lute,

Intè, sed ad diuinam prouidentiam, vnde oritur, relatus. Per eius
temodi autem ordinem seu dispositionem dicitur *diuina prouiden-*
tia suis queque nētere ordinibus, quia, illius interuentu reipsa,
perficit Deus, quæ apud se statuit facienda. Videt enim omnia an-
tē, quām fiant: & alia quidem absolutè statuit facere, alia autem
facere, sub conditione; alia etiam permettere: quæ omnia certò
præuidet. Vnde illa, vt in scholis loquuntur, *in sensu composito*, seu
posito, quod præuideantur à Deo, qui falli non potest, necessita-
tem quandam, non *antecedentem*, sed *consequentem* accipiunt; quæ
libertati non obstat. Sicut non obstat libertati urbem, sua sponte,
ingredientis, quod eum vigil in turri excubans videat ingredien-
tem. Liberè ingreditur in urbem, & posset non ingredi, si vellet,
aut sub ipsa etiam porta reuerti; quod ipsum etiam excubitor è
turri videret. Si tamen ponamus, videri eum ingredientem à vi-
gile, necesse est, eum ingredi, non quidem absolutè, & quantum
attinet ad illius liberrimam voluntatem; sed respectiuè, atque in-
ordine ad illum, qui eum conspicit intrantem: non enim eum
conspiceret, si non intraret; nec posset non intrare, si intrare con-
spiceretur; si tamen sponte non intraret, intrare non conspicere-
tur. Hoc intellectu fortasse Martianus scripsit. Parcas esse, libra-
rias cælitum, archiuique custodes, quæ sententias Iouis, orthogra-
phæ, studio veritatis, excipient apud Poëtas. Nam, in libro vitæ,
& in diphthera diuinæ Prouidentiæ, inscripta sunt, quæ sunt pro-
specta, & prospecta, vera sunt: itaque certò atque infallibiliter
erunt futura; licet non futura, & adeò etiam non prospecta esse.
potuissent, si, qui liberè agunt, aliter agere voluissent.

Hanc subtilitatem, quia non satis docti, non satis capiunt, XVII.

Fati nomen antiquis Patribus & suspectum, & periculosum visum
est; neque tamen, ob infallibilem Dei prouidentiam, omnino
repudiatur. Hinc circumspecte D. Augustinus ait: *Omnia fato*, S. Augustin-
fieri, non dicimus; immo nulla fieri fato dicimus: quoniam *fati nomen* lib. 5. de Ci-
vbi solet à loquentibus ponni, id est, in constitutione siderum, qua quisq; uit. cap. 9.
conceptus, aut natus est, quoniam res ipsa inaniter assertur, nihil valere
monstramus. *Ordinem autem causarum*, vbi voluntas Dei plurimum
potest, neq; negamus, neq; fati vocabulo nuncupamus, nisi forte ut fatum
à fando dictum intelligamus, id est, à loquendo. Non enim abnuere pos-
sumus, esse scriptum in litteris sanctis: *Semel locutus est Deus, duo hæc*
audiui: Quoniam potest Deus: & Tibi, Domine, misericordia,
qui